

Dialog 1

paziainta	Bun di, sar docter!
meidi	Bun di, duonna Ladina! Co vaja cun Ella?
paziainta	O, i va. Eu n'ha daspö ün pêr dis uschè mal il cheu e sun fich stangla.
meidi	Hmmm ... Ha Ella amo oters symptoms?
paziainta	Schi, minchatant n'haja eir ün pa da render. Ed her saira vaiva perfin ün pa feivra.
meidi	Quai nu tuna bain. S'ha Ella ferida d'incuort?
paziainta	Nöglia ch'eu savess.
meidi	Bain, lura masür eu uossa la feivra. Be ün mumaint, lura savaina daplü. <i>(Il meidi masüra la feivra.)</i> 38.5, quai es massa ot. Eu Tilla visit a fuond per pudair eruir la radschun da Seis symptoms. Ingüns pissers, duonna Bezzola, nus chattaran in mincha cas la radschun per Seis mals.
paziainta	Grazcha fich, sar docter.
meidi	Mia assistenta vain güsta a tour il sang. Be ün mumaint.

Dialog 2

paziaint	Bun di, duonna doctressa.
doctressa	Bun di, sar Andri. Co vaja cun El?
paziaint	Nöglia bain. Eu n'ha gnü üna not sgrischavla, perquai ch'eu n'ha stuvü tuossir sainza fin.
doctressa	Oje, quai nu tuna bain. Guardain che chi manca. As pudess El trar oura survart per ch'eu possa tadlar giò Seis leiv?
paziaint	Natüralmaing.
doctressa	<i>(La doctressa visita il paziaint.)</i> Schi, eu dod üna leiva rumur sül leiv. Quai para d'esser ün'inflammaziun da las bronchias. Ha El eir fadia da trar il flà?
paziaint	Na, quai va dret bain. Ma eu nu pudaiva bod na glivrar da tuossir. E la gula am fa eir ün pa mal.
doctressa	Pudess El drivir üna jada la bocca per ch'eu possa guardar aint illa gula? Daspö cura ha El quists symptoms?
paziaint	Üna leiva tuoss n'haja fingià daspö ün pêr dis. Ma id es gnü mincha di pès.
doctressa	E co esa cullas uraglias? Fan mal eir quellas?

paziaint	Na, cullas uraglias nun haja ingüns problems. Il leiv es però adüna stat meis punct debel. Che as poja far per chi gnia megllder?
doctoressa	Eu Til dun ün sirup cunter la tuoss e masür amo las valurs dal sang. Scha quel nun es sufficiaint, Til stögl eu amo dar ün medicamaint plü ferm chi redüa l'inflamaziun e driva il leiv. Ha El fingià inhalà cun aua da sal?
paziaint	Schi, quai prouv eu mincha jada. Ma quista jada nun haja güdà, la tuoss es massa ferma.
doctoressa	Be ün mumaint, eu tuorn güsta e lura guardaina che chi voul amo.
paziaint	Grazcha fich, duonna doctoressa, uossa sun eu ün pa plü quiet.